



**Quæstionum Canonicarum, In Quinque Libros
Decretalium, Tomus ...**

In Librum II. Decretalium, Per Triginta Titulos Distributum, In Quo Agitur
De Judiciis, Foro Competenti, Libelli Oblatione, Mutuis petitionibus, ...

Krimer, Ferdinand

Augustæ Vindelicorum, 1708

§. II. De Reo citando.

[urn:nbn:de:hbz:466:1-73001](#)

Actoris ipsius rationibus, aut instrumentis probaturum affirmare, adcōque corum editionem officio Judicis implorare, ut sibi imputet Actor, qui adversus proverbium crabones excitārit; *L. non est novum, C. de edend.* sed id econtra minimē Actori permīssum est, lib. 1. *L. qui accus. eod. tit.* Quintō si Reus possidet immobilia bona, relevatur ab oncre satisdandi, *L. sciendum, ff. qui satisd. cogant.* Actor verò etsi immobilia possideat, eo tamen onere non eximitur. Sextō ad defendendum Reum, quilibet etiam extraneus admittitur sine mandato, dummodo satisdet de judicato solvendo, *L. unicā, C. de satisd.* Et in simili videmus, quod unusquisque possit pro Reo, capit is damnato, etiam invito, & reclamante, appellare: quia (inquit Ulpianus) *non est audiendus perire festinans;* *L. non tantum, ff. de appellat.* Ex parte verò Actoris non admittitur procurator sine mandato, etiamsi de rato cavere velit, *L. i. C. de pro. L. non solū, ff. eod.* nisi forte fuerit conjuncta ejus persona; *L. non solū, ff. solut. matr.*

143. Septimō, in causis criminalibus accusatori non dantur, nisi duas dilationes: Reo verò tres conceduntur, *L. fin. ff. de fetiis.* Octavō, Actor de calumnia tenetur; Reus non tenetur, *L. i. ff. ad Turp.* sed satis est, quod in expensas litis condemnetur; Alciatus in *L. sub prætextu, C. de transactiōnibus.* Nonò, si Reus abest, Judex constituit procuratorem, per quem defendatur; Actor verò si abest, hunc favorem non habet, debuit enim quempiam relinquere, per quem causa ejus peragatur, *L. si quando, C. de procurat.*

Decimō, quæ sunt temporalia ad agendum, perpetua sunt ad excipiendum. Undecimō, Reus contrarias exceptiones objicere potest, *L. pure, 2. fin. de except.* Actor verò contraria allegans repellitur, *L. nemo prohibetur, ff. illo tit.* Duodecimō, Actor si successerit in jus alterius, & succumbit, non excusatur ab expensis: Reus excusat, *L. 2. C. de furtis.*

144. Decimotertio, si morti vicinus vel aliquem accuset, vel eum debitorem suum esse professus sit: nullum ea professio præjudicium facit; econtra si aliquem excusat, & sibi satisfactum esse à debitore confessus est, proderit confessio ad absolutiōnem; Bartolus in *L. qui in alterius, ff. eod.*

Decimoquarto, Reus, qui in veritate justam causam habet, per fraudes se defendere potest; Actor non potest, Authent. quod attinet, *C. de probat.* Decimoquinto, Actor non impetrat condemnationem contra Reum in criminali causa, nisi haberit probationes luce meridianâ clariores, *L. fin. C. de probat.* quia ubi majus est periculum, ibi cautius est agendum, *c. ubi majus, de elect.* Reus tamen absolvitur ex sola præsumptione, etiamsi plenā probatione convictus sit; ex his patet, in quibus Actor & Reus convenient, in quibus disconveniant, ex plurium Doctorum consensu.

§. II.

De Reo citando.

Citatio, ut accipitur ex *L. i. ff. de injus vocand.* rectè dicitur: *in jus vocatio.* Apud Sylvest. V. eod. est *vocatio juridica ad Judicis conspectum:* & quadrupliciter fieri potest. 1. per nuntium, vel literis citatoris; 2. per præconem. 3. per edictum: 4. juris dispositione. Fieri autem debet citatio *tribus edictis, vel ex causa uno peremptorio,* quod tantum debet temporis continere, quantum tria, nisi urgeat necessitas. Jurisconsulti varia ponunt citationum genera: quædam enim *verbalis est,* quæ præco vel voce, vel edicto quem vocat in jus: *realis, quæ fit, cùm persona prehenditur, & in jus ducitur, vel in carcere rem detruditur.* Alii ponunt duo citationes: unum genera; unum *privatum, quod personæ, vel domicilio fieri solet: alterum publicum,* quod publicè fit per compita sonatubæ. Apud Sanchez lib. 8. matr. D. 28. reperitur *citatio anomala & circumducta.* Anomala sūt idē exponit n. 15.) est, quam absque Judicis autoritate facit creditor debitori fugitivo. Circumducta, quamvis ille afferat n. 17. & non explicet, videatur esse illa, que ab initio extitit, sed jam deleta est. Nam circumducere est inducere, ac delere. Hinc circumduci causa dicitur, cùm ob id, quia deserta est, ejus nomen ex causarum albo eximitur, *L. 6. C. quoniam.* & *quoniam his præmissis:*

Quæres. 1. an, qui impediunt, ne citari possint, citandi sint per edictum? *citatio per edictum, est ea, quæ quis, cum alio modo non*

do non potest, in judicium vocari (puta, si ipse vel per se, vel per alios facit, ne citatio ad ipsum pervenire possit, vel ullo modo, vel saltē non securē) citatione affixa in januis Ecclesiæ Matricis, vel Cathedralis, perinde arctatur, post elapsum terminum citationi appositum, acsi ad eum personaliter pervenisset; Extravag. unic. de dolo & contumac. inter communes; quo posito: Resp. Reum in tali casu per edictum omnino in causis Ecclesiasticis citari posse; sed à solo Papa; vel alio de ipsius mandato speciali, & certa scientia, ut dicitur in Extravag. cit. junctâ gloss. V. non possunt; sic enim loquitur Bonifacius VIII. in cit. c. unic. ibi: statuimus, ut citationes auctoritate Apostolica de quibuscunque personis, undecunque sint, cuiuscunque statutis, dignitatis, vel præeminentiæ, presertim si impediunt, vel faciant per se, vel per alios, quo, quomodo, ne citationes ipse ad eos perveniant, ex quacunque causa faciendo, ut citandorum domicilia, sive loca, tute, vel liberè adiri non possint: cum (prout scriptum est) existimat debeat, an eò ire licet, ubi est citatio facienda, perinde ad instar editorum prefatorum propositorum in albo pratoris: etiam extra solemnes dies, in quibus Romani Pontifices suos facere consueverunt generales processus, publicè id nobis specialiter, & ex certa scientia jubentibus, factæ in audienciam literarum nostrarum, aut in aula nostri Palatii postmodum affigendæ januis majoris Ecclesiæ loci, in quo Romaña communis omnium Christiani populi nationum residebit Curia, ut cunctis possint patere, & ita deferri citatis, sic valeant, ac arcent citatos post terminum lapsum, quem (considerata locorum distantia) volumus citationibus ipsis competentem apponi, sicut si eos personaliter apprehendissent.

147. Quæres 2. an citatio fieri possit extra territorium citantis? ante resolut. not. ex quatuor capitibus cognosci posse, aliquem non esse de jurisdictione citantis: nempe vel ex causa, vel ex persona, vel ex loco, vel ex tempore; sic Jason in L. ex quacunque, ff. si quis in jus vocatus non ierit. Hinc in ejusmodi casibus Reus conventus oppone potest exceptionem declinatoriam judicii, ut constat ex tit. 25. de Exceptiōnibus, ubi ex professo de hac materia; quæ-

rio in præsens duntaxat est, an, qualiter, & quando quis citari possit existens extra territorium citantis? Resp. existentem extra territorium citantis, per nuntium, vel alio modo, posse commoneri de impen- dente ipsi lite; quamvis non possit citare propriè loquendo sic, ut non comparentem, possit Jūdex punire poenā pecuniariā, vel simili; colligitur ex L. 33. Q. 5. C. de Episcopis, & Clerie. ibi: verū, si apparitor tuæ Magnitudinis ex sententia tuæ Sedi amplissime in provincia degentes eos commonuerit; & L. 20. §. 11. ff. de here- dit. petit. ibi: petitam autem hereditatem, id est, ex quo quis scit à se peti. Nam ubi scit, incipit esse malæ fidei possessio. Hujus autem admonitionis effectus est, quod si commonitus non compareat, Jūdex procedere possit ad immissionem in possessionem bonorum.

Fieri etiam potest, quod Titius, qui est Jūdex rei in suo territorio sitæ, pertinentis ad Caium, qui alibi habet domicilium, eum de impenidente lite commoneat (misso nuntio, vel epistolâ ad Jūdicem domicili) & insinuet, ut compareat datus responsum ad libellum Actoris; & hæc etiam fieri potest à Jūdice rei in suo territorio sitæ, licet Caius coram ipso conventus existat in loco domicili extra territorium citantis, seu rectius loquendo, litem motam insinuantis, ut dicitur L. 1. Q. 2. ff. de requirendis, vel absent. damnand. ibi: Præses autem provinciarum, circa re- quirendos adnotatos, hoc debent facere, ut eos, quos adnotaverint, edictis adesse ju- beant, ut possit innotescere eis, qui adno- tati sunt. Sed & literas ad magistratus, ubi consistunt, mittere, ut per eos possit innotescere, requirendos eos esse adnotatos. Sed nec ista requisitio est propriè ci- tatio (prout explicat actum jurisdictionis), licet habeat eundem effectum, quem re- tulimus num. præced. quoad immissio- nem in possessionem bonorum.

Quæres 3. quando locus sit edictali ci- 148. tationi? Resp. vi Clementinæ, de qua n. 180. ei locum esse solum in subsidium, seu defectum alterius modi, quo partium citationes solent fieri, secundum quod ex- primitur in dict. Clement. quod ultra ex- pressa porrigi non debet, utpote odiosum, & à jure communi exorbitans. Exprimuntur tamen aliquot casus peculiares in

jure, ubi ei citationi locus esse dicitur. Nam primò ipse Bonifacius VIII. auctor Clement. *Dudum*, de judiciis, statutum, quod retulimus n. 146. temperare voluit, ita in eadem loquens: quia verò statutum ipsum rationabiliter editum, propter malitiam temporis, tunc instantis, nonnullis nimis rigorosum videtur: *Nos rigorem ipsum mansuetudine temperantes*, idem statutum, & præsumtum modum citandi *restrin-gimus ad illos tantum, & in illis locum volun-tum sibi vendicare*, qui faciunt, impediunt, vel procurant per se, vel per alios quoquo modo, ne ad eos possit citatio per-venire: *vel quorum domicilia, sive loca non possunt latè, liberè adiri*. Ex quibus habetur, citationi edictali, prout primâ parte illius constitutum fuerat, in hoc ca-su, prout temperato, non esse locum, con sequenter non procedere, si propter locorum insecuritatem, alia citatio cetero-quin solita non potest fieri; quo casu fieri debet in locis vicinis, unde verosimiliter ad citandum potest pervenire.

Hujus ratio sumitur ex c. *quoniam, fin. de elec[t] in 6.* ubi Pontifex (cum interdum accidat, quod, si electio non sit in concor-dia celebrata, duæ electiones factæ sint, vel uni, ne confirmetur electus, se appo-nant, ut Ordinarius ad confirmationem, non ecclæsto, aut iis, qui se electioni oppo-nebant, non vocatis, neque discussio ne-gotio, ad confirmationem impariendam festinaret) Bonifacius VIII. statuit, *ut se calectus aliquis adsit, vel oppositor, in no-minatim vocetur ad causam suam agen-dam: fin autem nullus talis adsit, generale edictum ad Ecclesie valvas affigatur, in quo peremptoriè ad diem definitum citetur, si quis electionem factam impugnare velit, quò minus confirmanda sit: hæc, si omis-sa fuerint, confirmatio irrita erit.* Et vult Pontifex, ut hæc eadem observentur, et si electio in concordia, id est, unica, ne-mine opponente, celebrata fuerit. Ex hoc enim habetur, cùm ordinarius citandi modus impeditur, vel non proficeret (per cridam generalem ad valvas Ecclesiæ) modus citandi, qui magis opportunus est, adhibeatur. Deinde citationi edictali lo-cus est, si propter potentiam, vel malitiam illius, contra quem inquiri debet, sive procedi, seu fautorum ejusdem non possit hoc exequi eo loco securè (ne ipse commo-

dum ex dolo, vel fraude oportet) ad id exequendum locum alium eligat idoneum, & securum; prout habetur in c. 13. *de offic. delegat. in 6.* Idem dicendum tertio, si citandus sit vagabundus, caretens certo domicilio; tunc affigendum citatorum ediictum in loco, ubi solet vagari; quartò, quando contradictor est incertus, & citan-tur omnes in genere, quorum interest, arg. c. *fin. de elec[t]. in 6. in fine*, ibi: *alias generaliter in Ecclesia, in qua elec[t]io facta est*, ut si qui sint, qui velint se opponere, compareant, assignato peremptorio termino competenti, faciendam esse censemus. Quintò, quando quis beneficio Inventarii vult adire hæreditatem suspectam, & de certis creditoribus non constat: quo casu facienda est edictalis citatio creditorum, ut intersint confectioni Inventarii. V. Gail. l. 1. *obser. 56. an. 56.*

Quæres 4. quo jure requiratur citatio, quâ prætermis s Reo præcluderetur via ju-stæ defensionis? Resp. cum Baldo in L. *Executorem, C. de execut. rei judicat.* requiri jure naturali. Nam potestas, & fa-cultas se defendendi, est juris & æquitatis naturalis: ergo de eodem jure naturæ sunt omnia media necessaria ad tales finem: ergo si citatio est hujusmodi medium, erit ejusdem juris, cuius est defensio; quod ac-cipe, nisi Reus sciens contra se actionem intentandam, etiam non citatus se defen-dere nollet, cùm posset. Coeterum de jure positivo necessariam esse citationem, constat ex Q. ult. *Institut.* de pena teme-rè litigant. ibi: *omnium actionum institu-endarum principium ab ea parte edictum proficiscitur, quâ Prætor edicit de in Jus vocando.* Utique enim in primis adver-sarius in Jus vocandus est, id est, ad eum vocandus, qui jus dicturus est.

Cæterum loquendo de modis, quibus citatio fieri soleat, Maranta in Speculo p. 6. de *Citat. n. 50.* enumerat sex, nimirum personalem, scilicet per arrestum personæ, quem etiam vocant *realem*; deinde *verba-lem*; 3. *literalem*; 4. *edictalem*; 5. *affixa proclaimate*; 6. *per sonum campanæ*: licet alii reducant solum ad tres formas, quibus fiat, nimirum *verbis*, *literis*, & *edictis*. Citare realiter, seu per capturam personæ potest solus Jūdex Ordinarius, non dele-gatus, ut constat ex c. 1. *de Judic. in 6.* in causis tamen civilibus id fieri non solet,

cūm

cum citatus possit respondere per Procuratorem; & cum citatio realis sit, causam exprimere necesse est, saltem generaliter; quamvis consultiū sit exprimere causam specialē, propter quam in jus vocatur; alias citatum non obligaret, maximē si fiat ad instantiam partis.

151. Citationem porro *verbalem* (per nuntium, Notarium, vocem quoque ipsius Judicis) facere potest Judex tam ordinarius, quam delegatus; si autem Reus citetur per ipsum Actorem, non tenetur illi patere, nisi exhibeat instrumentum citationis à Judice; sicut non teneretur quis credere dicenti, se appellasse contra ipsum, nisi exhibeat instrumentum appellationis; quidquid enim contra citationem peremptoriam posset ab absente proponi, adversus appellationem hujusmodi valet allegari juxta c. *sc̄p̄e contingit*, 44. de appell. ubi tamen additur, sufficere ad valorem processus citationem partis, factam ab Actore, si Reus ei fidem habeat, & appellationem sic intimatam approbet, ibi: *quia tamen propter hoc questio-nes prorogantur, praesenti decreto statui-mus*: ut si hujusmodi appellatio vel à Judice recepta, vel à parte fuerit approbata, post terminum appellationis præfixam edi-ti peremptorii, vices obtineat, ita videlicet, ut ex tunc in absentem perinde procedatur, ac si peremptoriè vocatus ad judicium extitisset; idem ergo etiam valebit in ejusmodi citatione. Nec dictis obstat lex 5. ff. de judic. dicens: *se quis ex aliena jurisdi-ctione ad Judicem vocetur, debet venire*; *Praetoris enim est, estimare, an sua sit juris-dictio*; nam lex ista loquitur de dubio juris, ubi controversia est de jurisdictione; in casu autem nostro dubium est facti, an Actor à Judice missus sit ad citandam par-tem? & in hoc dubio dicimus, citatum non teneri hoc credere, consequenter parere. Sed forsitan etiam hoc dubium esse posset de Nuntio, *ans sit missus à Judice?* Resp. con-deci de Nuntio, qui dicit se missum à delegato, si citationi non simul adjungat fidem Authenticam commissionis sibi factæ, ut diximus *supr. argum. c. 21. de offic. dele-gat.* Secus est de Nuntio Judicis ordinarii, quando ille est, qui ab ejusmodi Judice in talibus functionibus adhibeti solet.

152. Citatio *literalis* (nimirum per scriptu-ram) ut legitima sit, debet continere. 1. nomen, & cognomen Judicis citantis, ut

Reo constet, num citatio fiat à Judice com-petente? 2. nomen, & cognomen citandi; 3. nomen, & cognomen ejus, ad cù-jus instantiam citatio fit; 4. ut inferatur causa, ut citatus eâ cognitâ valeat instru-ctus venire ad judicium; 5. exprimatur locus certus, & securus, quo comparen-dum sit, nisi citatio fiat ab Ordinario; 6. dies juridica (nimirum non feriata) & terminus comparendi: quorum aliqua desimuntur ex c. 2. de dilationibus, & a 2. de Rescript. in 6. alia constabunt ex seqq. quamvis non omnia ubique sint recepta. Undo in his spectanda erit legitima Tribunalium consuetudo. Citationem porro faci-endam esse in scriptura censent aliqui in seqq. casibus 1. si fiat à Judice delegato, propter dicta n. priori; deinde, quando ci-tatur persona illustris; 3. quando destina-tur executor ad occupanda bona fisco de-lata, ut dicitur L. 5. C. de jure Fisci; 4. quan-do destinatur Nuntius citans realiter, ni-mirum per Capturam bonorum, vel per-sonæ; 5. si fiat citatio per nuntium non consuetum, sed specialiter electum; 6. si fieret extra provinciam; 7. si fiat in domo, & non personalis; haec Maranta citatus à n. 75.

Quæres. 5. an citatis, quod coram Judice delegato comparere debeant, communi-carie debeat rescriptum delegationis una cum citatione? Resp. debere regulariter saltem in legitimo ejus transumpto; quia ni-si delegatus fidem authenticam suæ dele-gationis faciat, citatus non cogitur parere, teste Innocent. c. cùm jure, n. 4. de elect. Gail. l. 1. observ. 48. n. 17. Maranta de Ord. p. 5. n. 75. non quod *Originale Pape rescrip-tum* mittere teneatur; sed manu Notarii transumptum; excipe nisi agatur de præ-judicio non gravi, quia facile, & sine ma-gnis expensis accedere potest citatus ad vi-dendum rescriptum, præsertim si delega-tus magnæ authoritatis sit, aut cui talia re-scripta frequenter mittuntur; tali casu suf-ficiet citatio, non inserto rescripto, uti mo-net Panorm. arg. L. 5. ff. de judicis, & quoniam citatio tendit ad faciendam præ-sentiam citandi, si quis jam præsens sit in judicio propter aliquam causam, potest ei tunc præsenti offerti alia etiam causa, seu actio, ut notat Panormitanus in c. *Pastoralis*, 5. de causa possess. ana-mer. 7.

Quæres

154. Quæres. 6. an citatio fieri possit per terminum primâ statim vice *peremptorium* ad totam causam, si longè absit citandus? Respond. quod sic, modò etiam sufficiens illi tempus detur ad deliberandum, & causam instruendam; quamvis in causa impedimenti supervenientis citationi, etiam *peremptoriae*, nova dilatatio concedi possit, quod aperte probat *casus expressus in c. fin. de dilat.* qui sic habet: inter Bituricensem, & Burdegalem sem Episcopos controversia erat super jure Primitiae, quam ob rem Greg. IX. citavit Archiepiscopum Burdegensem ad initium quadragesimæ, terminum ei *peremptorium* assignando, ut vel per se, vel per Procuratorem Apostolico conspectui se presentet, sed postea ab eodem Pontifice personaliter vocatus, consilii seu subsidii alicujus afferendi causâ Romam venit, ubi etiam Bituricensis Episcopus constitutus instanter postulavit, ut in dicta controversia procederetur. Sed Burdegensis dominum abiens, procuratorem ad eam, causam reliquit, qui salvis exceptionibus, sibi respondendo, ac defendendo competentibus omnia agere posset, quæ ipse Archiepiscopus in propria persona. Cùm igitur Bituricensis Procuratorem urgeret ad respondentem, ipse excepit, se ad id non teneri, cum Burdegensis Archiepiscopus jus haberet, *causam domum revocandi*, quandoquidem ob aliam publicam causam vocatus, Romam advenisset, sed nequé cum Coëpiscopis, & aliis, quorum consilium in causa tam ardua requirendum est, consultatum fuisse, quia tantum tempus non suspetebat Archiepiscopo, ut ad utrumque negotium instructus Romanum accederet. Ex parte verò Bituricensis replicatum fuit, quod Papa jam ante Burdegensem citârit ad causam istam *peragendam*, nequé hoc citatorum suum per posterius personaliter veniendi, mandatum revocâsse, tantum quoquè spatium temporis habuisse Burdegensem, ut sufficienter deliberare potuerit, quod ipsum etiam cum quibusdam facere jam aggressus esset. His utrinque auditis, Gregorius IX. adhibito Cardinalium consilio *dilatationem aliam usque ad Nativitatem Domini indulxit.*

Præter hæc not. si contingat aliquem citari ad dictum *festum*, non citari eo fine, quod

eo die in judicio comparere debeat; sed quod suam præsentiam *ultra eum diem* differe non debeat; & citationem, ad tempus *quadragesima* prolatum simpliciter, intelligendam esse de *quadragesima proxima*, nisi ex adjunctis aliter judicandum sit; ratio sumitur ex L. 41. ff. de Verbor. obligat. ibi: *eum, qui Calend. Januar. se datum respondit*, intellexisse videri de *proximis*, nisi ex adjunctis aliud colligi debeat. Item Commissarios, quibus à Papa munus citandi committitur, non posse hoc *aliis, auctoritativer faciendum*, committere, quamvis per alios promulgare edictum citationis possint.

Quæres. 7. quid agendum citato à duobus superioribus, si ad utrumquè, prout oportet, nec per se, nec per alium, venire possit? in hac quæstione tradunt Doctores communiter, posse considerari. 1. erga quem prius contraxerit obligationem, & quidem fortiorē alterā? 2. à quo priùs citatus sit? ex primo capite docent, Clerico citato ab Episcopo, & Principe laico, in dicto casu parentum Episcopo; in secundo, Vasallo citato à duobus Dominis, à quorum quolibet feudum habet, parentum potius ei, à quo priùs feudum accepit; nam obligatio posteriùs contracta intelligitur salvo jure prioris; sic Layman in c. *cum parati, 19. de appellat. n. 3.* Cœtrum si quis ab uno Superiori citatus, ab alio Superiori prohibeatur sub comminatione gravis pœnæ, unde patetur gravidatum, non posset censeri contumac respectu citantis non comparendo, si alterius prohibitio jure aut privilegio nitetur, v. g. ne sui subditi evocari extra suam provinciam possint, privilegio sèpius opposito etiam Sedi Apostolicæ, cum subditos ejus extra provinciam evocasset, & allegationi acquiescenti, designando Judices intra provinciam; sic enim saltē tacitè, & factō privilegii allegationem censetur agnoscere, & approbab̄se.

Quæres. 8. quis sit effectus citationis? 156. Resp. citationi legitimè factæ plures tribui effectus; primus est, quod, si citatus non compareat, nec legitimam excusationem afferat, eva dat reus contumacia, de qua ex professio sit. 14. agitur; secundus est, quod constitutat citatum legitimū contradictem Actoris, ut hic præjudicet sibi, quoad causas, ex quibus alias Reus repellit, posset,

posset, nisi citatio fiat sub conditione, si lieitè, & validè conveniri possit, aut existimet suâ interest; tertius est; quòd inducatur præventio, vi cuius nec mutatio statûs, nec domicilii citatum eximat à foro, pro quo citatus est, ut dicitur L. 7. ff. de judiciis, ibi: si quis, postquam in ius vocatus est, miles, vel alterius fori esse cœperit, in ea causa jus revocandi forum non habebit, quasi præventus. Quid tamen intellige de citatione, quâ dicitur alius, cui fortè mutato statu, vel domicilio, subditur, præventus cum effectu, nimirum cum citationis executione, v. g. consignatione libelli; alias enim non dicitur novos ejus Judices prævenisse, ut colligitur ex L. fin. Q. 1. C. de in ius vocando, ibi: qui libellum accepit, etiam si in aliud officium translatus sit, miles fortè vel Clericus factus, respondeat omnino in primo foro, quod secundum primam ejus conditionem censetur competens, nullam habens fori præscriptiōnem.

Quartus legitimæ citationis effectus est, quòd citatio, ad instantiam Actoris facta, tollat eidem potestatem eligendi inter plures Judices, si fortè, ut contingit in causis mixti fori, potuisset super eadem causa agere apud hunc, vel illum, prout dicitur cit. L. fin. Q. 2. ibi: qui semel in ius vocavit, si post admonitionem à Reo oblatam eum ad aliquem Judicem ob easdem causas vocaverit: & cum indemnem præstet, & causâ cadat, eti justam habeat actionem. Quintus effectus est, quòd firmet jurisdictionem delegati sic, ut non expire morte delegantis, re ceteroquin integrâ, etiam lite non contestata; quia licet Lucius III. securus Legistas, existimârit, rem tunc primum desinere, esse integrâ, cum litis contestatio facta est, ut colligitur ex cap. 19. de offic. Jud. deleg. Urbanus tamen III. statuit, id contingere factâ citatione, ut constat ex c. 20. eod. ibi: respondemus, quòd cum citatione factâ negotium sit quasi cæptum, & maximè si delegatus non sit certus de obitu delegantis, potest, & debet in causa procedi, tenebitque, quod justitia fuerit præviâ definitum; idem tradit Zoësius L. 2. ff. tit. 4. de in ius vocando, n. 22. Sed de hoc agimus lib. 1. ubi de officiis Jud.

Tom. II.

Sextus est, quòd per citationem rès controversa, seu actione reali in eam intentatâ, evadat litigiosa, cuius effectus est, quòd lite pendente ejus alienatio per emptionem, vel alium contractum non valeat; quod intellige de alienatione voluntaria, non necessariâ. Ratio primæ partis, quando res est mobilis, sumitur ex Novella 112. c. 1. ibi: ideoque sancimus litigiosam dici, & intelligi rem mobilem, seseque moventem, de cuius dominio causa inter petitorem, & possidentem movetur, aut per judiciariam conventionem, aut per preces Principi oblatas, & insinuatas Judici, ac per eum adversario interpellatoris cognitas. Quando autem est immobilis, ex Authent. inde defumpta, C. de Litigiosis, ibi: Litigiosa res est, de cuius dominio causa movetur inter possessorem, & petitorem judiciarâ conventione, vel precibus Principi oblatis, & Judici insinuatis, & per eum futuro Reo cognitis. Ratio secundâ partis est ex L. C. eod. ibi: lîte pendente actiones, quæ in judicium deductæ sunt, vel rès, pro quibus Actor à Reo detentis intendit, in conjunctam personam, vel extraneam, donatiōnibus, vel emptionibus, vel quibuslibet aliis contractibus minimè transferri ab eodem Actor liceat, tanquam si nihil factum sit, lite nihilominus peragendâ.

Idem dicitur, annexis quoque pénis, L. 4. C. eod. ibi: censemus, ut si quis lîte pendente, vel actiones, vel res, quas possidet, ad alium quendam transtulerit, sive scientem, sive ignorantem, vitio litigiosi contractus subjacere: distinctione quadam inter contrahentes observandâ; ut si quis sciens vel ad venditiones, vel ad donationes, seu ad alios contractus accesserit, cognoscat se compellendum, non tantum rem redhibere, sed etiam pretio ejus privari; non ut lucro cedat ei, qui rem alienavit, sed ut etiam alia tanta quantitas ab eo fisci juribus inferatur: Sin autem ignorans rem litigiosam emetit, vel per aliam speciem contractus eam acceperit, tunc irrita rei alienatione factâ premium cum alia tercia parte recipiat. Justum est enim, propter dolosam mentem, & absconditam machinationem, cum non emptoti manifestaverit, rem in judicium deductam fuisse, in-

G

ter-

tertia parte pretii cum puniri, ex quo etiam habetur ratio tertiae partis, prout dicitur in ead. L. 3. §. 1. ibi: *exceptis his, qui vel dotis nomine, vel ante nuptias donationis, vel transactionis, aut divisionis rerum hereditiarum facte, vel per legati, vel per fideicommissum causam tales res, vel actiones dederint, vel acceperint: excipe tamen etiam eum calum, quo res litigiosa fieret obnoxia Religioni ab eo, qui scit rem factam esse litigiosam; talis enim alienatio non rescinderetur, ob favorem Religionis, ut constat ex L. fin. C. de litigios.*

158. Septimus est, quod inducat pendenti-
am litis, quâ stante nihil debet innovari; ut habetur in Clement. 2. ut lite penden-
te, ibi: *cum lite pendente nihil debeat innovari, litem quoad hoc pendere censemus, postquam à Judice competente in ea citatio emanavit, & ad partem citiam pervenit; vel per eum factum fuit, quo minus ad eum notitiam perveniret. Dum tamen in citatione prædicta talia sunt expressa, per quæ plenè possit instrui, super quibus in judicio convenitur. Ceterum de hac materia agemus tit. 16. Octau-
vus effectus est, citatione interdum etiam longissimi temporis præscriptionem in-
terrumpi; sed de hoc agimus tit. 26. de præscript.*

159. Præter hæc not. 1. à Judice domicilii subditum citati posse etiam extra territorium ubicunque existentem, citatione tamen factâ intra territorium domicilii; ubicunque enim existat, subditus est ad parentum judicii domicilii. Not. 2. ci-
tationem *in domo* esse faciendam ad illam domum, ubi citandus habet familiam; eo & aliis absentibus, affigendam esse schedam ad januam; si autem non habeat certam domum, citandum esse loco, quo frequentius est, aut edicto. Not. 3. quando partes sunt in diversa dia-
cesi, olim non licuisse delegato citare ad quantamcunque distantiam, sed solum ad duas dictas, c. 2. 8. de Rescriptis; nunc autem non ultra unam, nec nisi impetratam de consensu partium, vel in rescripto expressam cap. 11. eodem. in 6.

160. Not. 4. Magistratus *perpetuos*, nimirum constitutos ad tempus indefinitum,

posse in jus vocari ex L. 48. ff. de *Judicis*; alias enim pars læsa careret, & omni spe consequendi jus suum; non autem Magistratus *non perpetuos*, quia tales sunt cum imperio, sic, ut nec per Procuratorem te-
neantur tunc comparere, ut colligitur ex cit. L. 48. nisi delinquant vel per abusum sui munieris, vel non usum debitum, L. 4. C. ad Leg. Jul. repetu. d. quo casu citari potest etiam durante Magistratu, ut con-
stat cit. L. 4. ibi: *vel administrante eo;* & Novella 86. c. 4. modo citentur in tem-
pus finiti magistratus. Dixi, *qui tales sunt cum imperio*; nam alii Minores Magistra-
tus, etiam durante Magistratu possunt in jus vocari, ex L. 32. ff. de *injuriis*, ibi: *si ex minoribus Magistratibus erit, id est, qui sine imperio, aut potestate sunt Ma-
gistratus, & in ipso Magistratu posse eos conveniri;* & L. 29. ff. ad Leg. Aquil. 2. 5. ibi: *Magistratus municipa-
les, si damnum injuria dederint, posse Aquiliâ teneri. Nam & cum pecudes aliquis pignori cepisset, & fame eas neca-
visset, in factum actio danda est.*

Not. 5. Patremfamilias (nisi ratione pecuniae castrensis) ne quidem petitâ ve-
niâ, posse à filiofamilias in jus vocari.
*Nam lis nulla nobis esse potest cum eo, quem in potestate habemus, nisi ex ca-
strense peculio, verba sunt L. 4. ff. de
Judicis; secùs dicendum est de paren-
tibus à suis descendantibus, petitâ Judi-
cis veniâ; & de Patre adoptati; ille eni-
m in jus vocari potest ab adoptato per
L. 7. ff. de in jus vocando; quin ta-
men tali adoptato, vel arrogato in jus
vocare liceat Parentes naturales, ut di-
citur L. 7. cit. ibi: *sed naturalem paren-
tem, ne quidem dum est in adoptiva fa-
milia, in jus vocari, intellige, non pe-
titâ veniâ.* De reliquis, qualiter in jus
vocari possint Patroni, V. Legistarum.*

§. III.

*Qualiter Actor, & Reus compare-
rere debeat?*

Cum ex dictis constet, & habeatur L. 162. fin. C. de exhibend. Reis, neminem in judicio